

**BOSNA I HERCEGOVINA
FEDERACIJA BOSNE I HERCEGOVINE
JU KANTONALNI CENTAR ZA SOCIJALNI RAD
Ul. Gatačka br. 80, Sarajevo**

Broj: 35/X-02-404-1632/20
Datum: 03.12.2020. godine

Na osnovu člana 8. stav 1., člana 18. stav 1. Zakona o javnim nabavkama ("Sl. glasnik BiH" br. 39/14), odredbi Pravilnika o postupku dodjele ugovora o uslugama iz aneksa II. dio B. Zakona o javnim nabavkama i Plana nabavki za 2020. godinu, donosim sljedeću

ODLUKU

1. Odobrava se pokretanje postupka javne nabavke usluga iz područja sigurnosti – usluge fizičke zaštite ljudi i imovine - za potrebe JU "Kantonalni centar za socijalni rad".
2. Finansijska sredstva za provedbu javne nabavke obezbjeđena su iz Budžeta Kantona Sarajevo, ekonomski kod 613900.
3. Za sačinjavanje tenderskog dokumenta/Poziva za dostavu ponuda zadužuje se Služba za pravne poslove i koordinaciju i Služba za računovodstvene poslove.
4. Za provođenje postupka javne nabavke iz člana 1. Ove Odluke, direktor će imenovati Komisiju, koja će sačiniti tenderski dokument/poziv za dostavu ponuda i izvršiti otvaranje i ocjenu ponuda. Ugovorni organ u ovom postupku nabavke predviđa dostavljanje konačnih ponuda.
5. Prema procjeni Ugovornog organa, vrijednost nabavke će iznositi do **63.452,26 KM bez PDV-a**.
6. Postupak javne nabavke će se obaviti prema odredbama člana 8. stav 1., Zakona o javnim nabavkama kao i prema odredbama Pravilnika o postupku dodjele ugovora o uslugama iz aneksa II. Dio B. Zakona o javnim nabavkama.
7. Kriterij za dodjelu ugovora je najniža cijena tehnički zadovoljavajuće ponude.
8. Odluka stupa na snagu danom donošenja i objavit će se na službenoj web stranici ustanove zajedno sa pozivom za učešće u postupku javne nabavke predmetnih usluga.

Obrazloženje:

Ugovorni organ je u skladu sa Planom nabavki za 2020.godine donio Odluku o pokretanju postupka nabavke usluga iz područja sigurnosti – usluge fizičke zaštite ljudi 35/X-06-404-885/20 od 10.06.2020.godine. Procijenjena vrijednost nabavke u skladu sa Planom nabavki iznosila je 90.000,00 KM bez PDV-a. Postupak javne nabavke proveden je u skladu sa članom 8. Stav 1. Zakona o javnim nabavkama i u skladu sa odredbama Pravilnika o postupku dodjele ugovora o uslugama iz Aneksa II. Dio B. Zakona o javnim nabavkama. Ugovor je zaključen sa najpovoljnijim ponuđačem dana 09.07.2020.godine. Izabrani ponuđač Agencija za zaštitu ljudi i imovine "INZA" d.o.o. je dopisom broj: 5081-11/20 od 26.11.2020.godine raskinula Ugovor o pružanju usluga fizičke zaštite ljudi imovine zaključno sa 30.11.2020.godine. Procijenjena vrijednost nabavke za ponovno pokretanje ovog postupka dobivena je na osnovu umanjenih faktura po već realiziranom Ugovoru u periodu od 09.07. do 30.11.2020.godine. Ugovor će se zaključiti na period od 7 mjeseci, obzirom je prethodni ugovor bio zaključen na 12 mjeseci od čega je realizovano 5 mjeseci.

Na osnovu naprijed navedenog, a cijeneći činjenicu da Ugovorni organ trenutno nema fizičku zaštitu ljudi i imovine, koja je neophodna u daljem radu radi sigurnosti i stranaka i zaposlenika, posebno u odnosu na vrstu i obim posla koji ova Ustanova obavlja u svojoj djelatnosti, Direktor je donio Odluku kao u dispozitivu.



DIREKTOR

Mr.sc. Samir Suljagić

Dostaviti:

- Službi za pravne poslove i koordinaciju;
- Službi za računovodstvene poslove,
- ① Arhivi dokumentacije javne nabavke